


T5663/2248(4)

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

DEC 9 1

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/39/33	42/57/29	82/4/79	51/50/13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/43	52/48/17	31/21/-21	72/-23/57	73/19/68						



京兆眉

哈佛大學漢和
圖書館珍藏印

金天所
藏書

曹桂蘭氏
藏書

南山逸史著

西江月 末上 久卸名韉利鎖。閒調象拍鸞簧。怎奈
故宮禾黍斷人腸。無計把雙眉安放。才子殷憂
南畝。佳人冷淡東牆。婦隨夫唱見明良。遙羨那眉
畫當年張敞

正名

怵京兆撇不下細君恩愛

聖天子饒得過太守風流

第一齣待描

燕歸梁。生扮張敞冠服。上。輦轂頻年盜賊猖。蒙特
簡坐黃堂。一心鋤莠護愚良。能發弊。靖搶攘。集唐
銀燭朝天紫陌長。衣冠身惹御爐香。盧家少婦多
愁思。海燕雙棲玳瑁梁。小生張敞字子高。河東平
陽人也。家秉儒風。心留吏治。用法雖尚深嚴。存心
實本平恕。近日輦轂之下。羣盜縱橫。黃霸諸公俱
不勝任。聖人特簡下官爲京兆。自到任以來。密用
老偷計擒諸盜。目下人人革面。桴鼓不鳴。且喜畿
甸肅清。士民樂業。得以樂我開帷。今日早朝。夫人

熟息料他春睡正濃。我且漫歸私第。過好友揚子
幼處閑談一番。正是義將私愛隔。情與故人歸下

七娘子

旦扮張夫人。使服。嬾粧。二侍女。嫣然羽衣

隨上。深居繡閣幽還亮。相夫君能抒忠讜。家室咸
宜。儀容俊朗。更逢景值朱明暢。集唐。子心適無事。

京兆小齋寬。竚立望夫君。峨眉生翠寒。妾身自嫁
張郎。琴瑟和諧。芝蘭早種。屢膺封誥。魚軒之寵。不
替閨闈燕爾之歡。我相公秉性太剛。未能和光混
俗。存心却怨。頗解惜玉憐香。今日朝謁去了。想不

風流題目
非此委筆
不核

人回衙我且曉粧則個對鏡介

嬾畫眉宜春髻整漫安黃更不介綽約腰肢嬾下

堂生來愛着紫羅裳好花欲插誰簪向因此上細

對菱花自酌量小旦犀管筆螺子黛在此請夫人

画眉旦媽然你那裏知道

前腔春風人面兩相將欲鬪雙蛾幾許長待將宜

稱問檀郎小旦老爺怎能教就回些時不見添惆

悵內作唱道介猛聽得花外鳴珂逼粉廊

不是路生衆上身出明光日色曛曛照上方衆合

朝初放天街鳴玉散玎璫進公堂人聲似沸須臾

靜案牘如山頃刻償左右公事已完打道回私衙

去衆應行介生都停當只深閨未了風流帳遠山

懷想遠山懷想衆已到私衙門首了生你們散罷

見旦介夫人拜揖旦相公萬福生夫人已粧成了

嬾畫眉風和正好共持觴獨秀蛾眉翠帶長為甚

的不施螺黛似啼粧旦相公非是我含顰不語多

惆悵只為你抹月批風手最良生持筆欲画介

前腔抽毫拈黛費思量夫人眉的樣兒要日日變

換方能助媚增嬌似月如弓未可方無言靜正自
生光春山高映秋波上畫出修眉世少雙小旦夫
人的眉兒與昨日又不同了曲曲纖纖不濃不淡

真個嫵媚得緊旦多謝相公整容拜介

梧桐樹鶯花正艷陽風月人隨唱一寸眉峰直恁
關情況笑他家粧樓空對遙山想玉鏡臺前祇自
商誰似你奇孽拂拭耽清賞惟願取鸛算無疆鴛
肩長傍生夫媚恩情誼當如此何足言謝旦妾已
備有一樽與相公路賞花前嫣然羽衣送酒旦遞

酒生轉奉介

畫眉序白晝喜初長景物融和人意爽見黃鸝喚
樹紫燕棲梁繡幃中一織鸞翔粧閣上兩行珠晃
合人間自有丹丘享又何羨紫綬金章羽媽

前腔眉翠自雙雙女貌郎才恁相放看鹿車前導
鳳羽同鏘結褵時携手相將種玉後齊眉無恙介

前生夫人且喜近日民安盜息任及瓜期倘能轉
一聞官我和你好盡于飛之樂旦如此却好雜扮

送報人上院子接介生看介吏部一本為考滿事

京兆尹張敞任滿稱職奉聖旨張敞考覈稱職着
加陞一級復任三年對旦如此怎了旦相公有陞
擢之榮爲何不喜生夫人有所不知京師地面五
方雜處中貴外戚倚勢爲非者儘多我連年執法
獲怨實深國法久而易撓人情久則生玩故說到
久任我不覺攢眉旦雖則如此且開懷再飲數盃
滴溜子貼老歌喉亮歌喉亮悠游繞梁腰肢宕腰
肢宕飄飄羽裳一任玉山頽放鈎簾看夕陽追歡
無量恰銓曹奏最宸綸褒獎生夫人我已醉了

尾聲物情到久難安放免不得生憎速謗旦相公
且放下眉兒自有重瞳作主張

集唐

旦看君幾歲作臺郎生侍女新添五夜香
合眉黛奪將萱草色更將明月照流黃

第二齣眉嫵

探春令

小旦艷粧扮楊天人二侍女隨上香閨書

畫遠山眉怪伊行獨美效顰人欲把殘螺拾怕學
不像天然媚柳競腰肢花競容芳菲各自闢春風
朝來一樹桃天發何事南枝別樣紅妾身趙氏出

京兆眉

五

眉之難画
從楊夫人
說出是替
其法

自名門。歸于華胄。非獨女紅素擅。亦且音樂旁通。
月下調箏。銀甲不輸螺女。花間鼓瑟。冰弦豈讓湘
靈。丈夫楊惲。煌煌相裔。見任光祿勳。妾因夫貴。叨
封淑人。近日京師宦家富室。共尚画眉。妾問相公。
女人的容顏。千嬌百態。難道只在這兩道眉上。相
公說。着無正位。處額黃之旁。居翠睂之上。地步占
得極高。色有奇妍。如兩峯之映。似初月之昇。姿態
極難描寫。所以眉不是好輕易画的。如今只有一
家画得好。妾問是誰家。相公說。外來共傳京兆眉。

嫵。不知他怎生一樣画法。享了這般大名。前日會
着魏相國的夫人。也極艷慕他。要圖一画。他知我
相公與張京兆兩相契厚。要我做一主人。請來吃
酒。好仔細觀看。學他些法兒。我想入宮生妬。螺調
豈肯授人。見美捧心。顰態還須審已。各人有個本
色。學他也無用。只是我已應承作主。今日整治筵
席。着人去邀。想兩位夫人。即便到來也。

剔銀燈

丑扮魏夫人淨扮侍兒隨上五花誥宣來

無媿七香車坐來偏媚。粉容膩澤穿霞帔。只眉毛。

不十分爭氣難醫待從師學繪博得個名揚帝畿

楊侍兒傳介魏夫人到了小旦接見各拜介丑楊

夫人你的眉今日忒画淡了停會張夫人來看見

要笑你家裏沒有作料小旦古人說得好眉宜淡

掃况奴家容貌粗醜經不得濃描魏夫人你的眉

今日画得加工可愛得緊丑不要說起一日費了

兩三日的作料只怕張夫人來還要加工似我小

且不曉他怎麼樣的画法到來便見丑不要管我

和你兩個的眉一濃一淡他若是濃的有我可以

賽得過他若是淡的有你可以賽得過他小旦魏

夫人說甚麼病賽人之不同有如其面各有好處

何須羨慕他家丫環張夫人一到即便請驕進來

番卜莫旦二丫環隨上女伴共招携早把雙蛾繪

檀翠怕與衆山齊畫就還凝睇小旦丑共迎見介

旦未屈蓮輿何當先召小旦素欽閨範欲侍清儀

丑疑視巨眉扯小旦輕語介名不虛傳果然画得

宮樣小旦勻淨得緊愈淡愈妍旦二位夫人爲何

頻顧奴家唧唧噥噥想是奴家穿戴有些不周因

此見笑麼。小旦夫人不是奴家與魏夫人私語，只因傾都士女盛傳夫人黛色超凡，修蛾入画。今見尊容不勝健美。旦漸愧。丑夫人，你這眉用甚麼東西画的，有這許多彩色，我的眉画了，若畧有些汗出，就要流到臉上來。夫人，你若肯把法兒傳我，我就從此拜你為師，終身投門生帖。旦笑介。奴家也不會画，另有一個画眉師哩。

棹角兒。念奴家倦腰肢難勝帶圍，祇不過抖精神，自梳雲髻倚粧臺，慵施黛煤倩旁人代填螺翠。丑

扯小旦耳語介。我聽道定有人傳授的，自家怎麼

画得來。問旦。請問那箇女師父，如今在那裏。旦那

人呵，坐黃堂，盟白水，戴烏紗，懸紫綬，鐵面風儀小

旦。這等說，是個男子漢，又像個狠人了。丑。如何會

画眉。問旦。介。你實實對我說明，果是做官的，我家

丈夫當朝宰輔，個個官兒俱相處的，不怕他不把

方法傳我，他姓甚名誰。旦。他是個人中傲吏，星中

耀奎，媿我這釵荆裙布，得捧盤匱。小旦笑介。夫人

你好善談諧，聽了這半日，纔知這眉是張老爺替

你画的丑他是男子漢那曉得画法定有一個楷
兒照樣描寫

前腔小旦止道你對菱花親身和煤却原來調羹

手從旁點翠天生你競風流佳人占魁又有個助

窈窕才郎作對卽此一事可見夫人與張老爺是

極恩愛的了懸想你理瑤琴調錦瑟伴金蓮携玉

笋都似雙眉前生夙配今生唱隨鎮日裡端詳拂

拭眉翠橫飛丑怒高聲介老烏龜老不死這等可

惡小旦驚介夫人爲何罵將起來丑我不是罵別

人的丈夫是罵自家的男子方纔聽張夫人的話

他嫁得這等有恩情會幫襯的着哩偏我家的老

兒只想做高官食厚祿終日攢着眉頭說皇爺難

答應那有工夫炤管妻子因此恨他不覺罵出口

來

前腔丑非是我咒你罵伊只恨他不伶不俐一般

的天生兩眉爲恁麼我嫌人媚他止曉做官腔媒

高位看文移勤拜客那顧房帷兩位夫人我如今

恨這老賊以後不復脩飾了玉容任悴鉛華懶施

再不想風流窈窕名播深閨旦夫人不要煩惱請

用奴家一杯酒楊侍兒酒筵俱已齊備了請夫人

上席小旦欲送席介旦夫人總是通家不消多禮

各坐了罷小旦這等謹依尊命了侍妾們送酒老

旦眾送酒介

泣顏回小旦纖手捧金卮侍立兩行珠履氣清秋

爽偏增玉人眉翠作樂介秦箏趙瑟奏霓裳幾曲

搖環珮遇鸞儔愁放雙眉詰螺筆盃空雙壘侍兒

們携酒到翠環亭去行介

千秋歲小旦旦丑合酒頻催花下陳肴簋我和你

女知己易別難會比不得男子朋儕里丁朋儕要

相逢無拘無繫侍兒合況有這欄杆外禽聲碎簾

櫳內歌聲沸夕炤添明媚把金樽罄倒玉管齊吹

丑二位夫人我和你婦人家也要賞罰那丈夫方

肯盡心供職今日我們回去賞的要賞罰的要罰

小旦這等夫人今晚怎麼樣發落魏老爺丑我沒

有甚麼講只是抓破他臉皮叫他進不得朝二旦

忒利害了丑法須用嚴楊夫人你今日怎麼樣發

落楊老爺小旦奴家的丈夫自誇會做文章只罰他做一篇眉賦罷丑那張老爺應該賞的張夫人你用何物賞之旦夫妻敬體如何好說賞麼丑張夫人的賞賜不好明言我知道了張老爺把這話兒奉承夫人張夫人免不得將那話兒爾謝了旦各笑介

越恁好小旦合樽前開笑口樽前開笑口急攘攘象板催翠環亭座側尋百草佐嬉戲碧溶溶沼溪碧溶溶沼溪見亂紛紛晚鴉兒齊下柳枝旦天色

已晚奴家不能飲了小旦還求少坐張夫人用了些酒越有丰韻了嬌滴滴兩頰嫩生生紅暈兒遙映額眉一身上百歲中只有雙眉麗向花前解感月下招喜旦丑夫人奴家已醉告辭了小旦求立飲幾杯衆送酒唱

紅繡鞋臨行再奉三盃三盃花前立飲無違無違情未竭興重回堆笑靨展愁眉玉山並任將頰尾聲丑歸家各去論功罪小旦只有知趣夫君免吃虧合從今後懼內的官家也要學畫眉

小旦新粧可憐色

深坐嘖蛾眉

集唐

合相送情無限

重游預作期

第三齣盜憎

秋夜月大淨副淨扮張貝李戎合唱上賊眼睛賊

骨生成硬賊頭賊腦人難認賊贓專助贓官與

柰張敞的法狠甚計兒保命但說其餘非我能專

行劫掠度朝昏相逢不用通名姓世上於今半是

君我兩人張貝李戎的便是祖居積善坊下善取

諸人一味分人之財日見其進家計漸漸肥饒置

有田產童僕自家也不動手了遂把衣鉢傳于後

生小子安享他些貢獻你說這輦轂之下如何容

得咱們只因官府愛錢受了我們的賄賂貓鼠同

眠那些捕盜的公人反替我們做向导官府便是

我們的護身符還怕誰人來算計耐柰京兆尹張

敞這個天殺的生來清硬又且巧計絕倫密召我

們分付如此如此我只得獻計拿了我許多同寮

害了我許多高足咳我也是怕他嚴刑酷法勉強

相從那裏是真心革面端待他三年任滿我學生

依舊跳梁、可恨天不從人、皇上道他清正、叫他復任三年、恨頓足介、唔、我老偷守到幾時、方得高枕而眠、那些徒子法孫、何年是個出頭的日子、我定要用計害了他、急切裏沒有個心腹人商議、只有一個小偷名喚錢智、到有計謀、得他來便好。

破金歌丑上、咱們家住京城下、祖傳流東淘西摸、近來因甚少生涯、怕張衙除了張衙天不怕、二淨難道天好不怕的、丑、我不但不怕、我還要丟偷他哩、淨笑介、好、這纔算做偷天妙手哩、兄弟來尋巧、

正有事商量、我輩日用無非、靠着一個偷字、自從張敞到任、可敢去胡行亂做麼、他如今又復任三年、你我豈不餓死、湏設個法兒害了他、方好出頭做事、丑、我計倒有一條、只是要用些銀子、淨驚介、正爲沒銀子用、要去偷、如何反用起銀子來、丑、你那裡知道、小錢不去、大錢不來、如今這樣世界、那一個官府、那一樁事體、肯放過了銀錢麼、科道、衙衛衙門、無非張網待虫、一味撿風捉影、終日打聽人家閒是非、我輩尋些事件送他、便是大書帕。

差他上個本也費不多本錢。淨介說雖如此說也
要一兩件有憑據的事纔打發得他動身哩。丑做
思忽跳笑介有了有了他不修邊幅時常走馬章
臺又不理政事鎮日替他夫人画眉。淨這事也小
怎壞得他官。丑說那裏話如今京師遠近共傳京
兆眉嫵引誘得宦戚人家爭效新粧日趨妖冶近
日又縱容妻子到楊惲家飲酒是個實證明犯着
居官不謹敗壞風俗之條怎麼不該壞官。淨拍手
大笑介有理有理卽當依計而行

四邊靜合冤家做下成刎頸特把彈章倩盜賊亦
貪生殺了須償命章臺馬逞粧樓眉靚任你巧枝
吾事實難徼倖張敞張敞不是我們要擺佈你你
要自反

平生偏作皺眉事 世上應多切齒人 搖擺下

第四齣 主聖

外扮蕭望之小生扮楊惲袍笏上集唐五夜疎鐘

曉箭催、瞳瞳初日照樓臺、山呼聖壽烟霞動、仗下
疑從碧落迴、外下官漢朝丞相蕭望之是也、小生

下官光祿勳楊惲是也。今日主上臨朝，宣召吾輩，不知有何諮詢，只索在此伺候。相揖介：內作樂介。
夜行船末扮漢宣帝內侍儀仗隨上。涼德承麻司大寶愁壅蔽，曉夜心勞側席求賢，虛衷納牖。要把明良風效，寡人漢宣帝是也。承列祖之貽麻守萬年之神器，常思朔守並難，惟恐聰明不逮，用人爲治亂之源，擇相乃安危之繫。朕尤注念那京兆尹張敞，頻年直諫有聲，近日詰奸著績，朕正要任用他爲相，誰料昨閱本章，有人彈劾說他章臺走馬不

守官箴，閨閣画眉，有荒政務二事，未知虛實。且待朝臣到來，面問一番。外小生叩首介：外臣蕭望之朝見。小生臣楊惲朝見。末二卿上殿，有話相諮。外小生近前侍立介：陛下有何宣諭。末寡人見張敞才品俱優，正思重用，近日有人論他走馬章臺爲嬖画眉二事，朕在疑信之間。二卿所聞若何。外外庭馳逞，臣未深知。至閨房曖昧之事，尤難詳察，不敢妄言，只是敞爲人才，斷有餘器，量不足，恐難充綸扉之選。末楊卿云何。小生臣啟陛下，張敞堪任。

不堪任、非臣所知、只是走馬画眉、臣料其無此事、
末怎見得、小生京師向來盜賊公行、自從張敞久
任、群盜消弭、不過畏其威耳、敞怎肯章臺走馬、自
褻威嚴、况皇都重地、政務殷繁、簿書鞅掌、張敞綜
理不暇、那有工夫替妻子画眉、以此料其必無、末
二卿的話、亦是有理、不免召他面鞫一番、卿且退、
朝內侍們快傳張敞來、衆應高傳介、外小生朝議
何能定、宸衷自有裁、下生袍笏上、描黛筆初停、傳
相吏又驚、忽聞君命召、不俟駕而行、叩見介、臣長

敞見陛下、末張敞你自省有過失麼、生微生愚昧、
歷任以來、罪狀山積、但未知過端何在、末京兆尹
不爲卑官閑職、你如何章臺走馬、自矢觀瞻、爲嬖
画眉、致荒政事、這兩樁事、可是真的麼、生免冠叩
首介、這二事委實是真、末既是真、可不大負朕之
任用麼、生請息天威、容臣詳奏、皇上用臣、無非欲
消弭奸宄、肅清畿甸、向來盜賊潛踪、半在章臺妓
館、臣要親身巡緝、恐爲盜賊所知、不敢多跟儀從、
只用便面自遮、走馬而過、至於画眉、臣不敢諱、自

從有夫嬪一倫就有無限隱微之事。若說起夫婦私情更有甚於画眉者。臣任事已將六載。執法不撓。招怨實多。念微臣呵。

三換頭恩叨郡爵。怎不將奸除勦。况狐踪兔跡。每鶯花與豪臣也。明知兇暴。這其間只得用悄悄地行。密探賊巢。回到閨房也。婦眉曾淡掃。直告君王更有那恩情難画描。二事皆臣之小過。若不從實供招。便是欺君了。

前腔蛾眉翠銷馬蹄閑。裏念踰閑罪小。若敢肆虛

囂。獲罪於天無禱。這其間只得把蠢愚情。椿椿直告宥放田園也。飽啖應共老。頂踵高天免使那。人逞画描。末朕知道了。你且回私寓聽旨。生叩謝。

下末鳳輦出朝紅日映。袞衣歸殿彩雲隨。末衆下。

虞美人旦忽聞夫婿遭浮議。褪却眉邊翠。生急上

天威咫尺自供招。回到私家候旨暗魂銷。見介旦

相公聖上問些甚麼來。生夫人說起來好笑。下官

在私宅中與你拜眉。又曾於閑暇時向章臺走馬

數次。這也是極平常的事。不知那啣恨的小人竟

將此二事做了本頭。皇上因此召我詰問。且你怎
生答應。生：下官一一承認了。且驚過無大小總要
罷官。况画眉之事如何好對聖上說。

黑麻序心焦。賈禍貽嘲。只雙眉驚動九重。宣召把

你這雙魚五馬。斷送在添煤嗅稿空勞。方知色是

刀。做不得妻賢禍不招。恨難消。反不如濃眉醜婦

封誥堅牢。生：夫人不須憂慮。下官怎麼敢君父

前欺隱。不但招承。反暢說一番言。夫婿恩情。閨房

狎昵。不止画眉一端。且聖上不動怒麼。生：不見其

喜怒。只分付回家候旨。我想聖上精明。反喜我直
慇。不可知。萬一怒而罷斥。我宦情原淡。直性難移。
丟了這個俗吏。終日與你画眉。或者愈加工緻。這
豈不是聖恩。

前腔。休焦。宦海波濤。便無風靜浪。也能傾棹趁風

流。罪過早行高蹈。辭勞章臺馬。任跑妝樓。蛾任描。

更誰嘲。這番貝錦成就風騷。小生扮內官捧詔末

隨上。玉珮明璫。製宮衣舊袞。裁口啣天憲。出身帶

御香來。聖旨下。跪聽宣讀。生日俯伏介。小生：皇帝

京兆眉
詔曰。朕聞有夫婦然後有父子。有父子然後有君臣。故淑女之求。姬文于焉宣化。如賓之盛。郤缺用以彰身。茲爾京兆尹張敞。才優學裕。手敏心閒。忽被人言。摘其閨閣。画眉一事。致煩朕詰。乃云房幃之隱多。端閨中曲。筆画成好合之形。殿上直言。吐出勿欺之慄。洵爲人倫之克踐。夫豈細行之弗矜。卽着供職。并叙成勞。張敞進階一級。特賜通天犀管十枝。螺子黛一升。以供伊妻画眉之用。嗚呼。嬾是齊眉。尚退食不遺。其嬾君爲元首。豈進思忍後。

其君爾益篤匪躬之節。無墮前修。朕自弘錫類之仁。行有後命。欽哉。謝恩。生日謝恩起介。小生已申三錫命。歸復九重天。下生日喜介。生夫人我好天幸也。旦這都是相公平日居官清正。有當聖心。故反罪爲功。變灾成福。奴家亦邀此奇榮。合當拜謝相公。生日拜介。

錦衣香。罪已饒。恩翻冒福。怎消天頻禱。把風流太守名彰。讒人興掃。旦自憐陋質。不堪描一經點綴。嫖母增嬌。生夫人你我不可虛了聖上洪恩。羽衣

媽然快將螺子石研起來待我用御賜通天犀管
細細與夫人描画夫人請端坐且怎麼敢生用筆
画眉介把黛螺細碾試纖纖內府霜毫合斗室祥
雲繞把遠山籠罩雖非八彩也稱雙耀生夫人你
的眉兒不比往常了是受過勅封的外來人傳誦
上個徽號叫做京兆眉好不十分尊貴也且待兒

大笑介

漿水令生看眉兒從今越標笑聲兒從今越高聖
明昭徹晰秋毫夫妻燕婉天倫酬酢又不是鑽穴

隙將東家抱任教漏泄風情稿合關倫化關倫化
淑女非遙敦恩愛敦恩愛琴瑟重調
尾聲勸世人莫把眉輕掃險被讒言骨也銷須知
道臣直君仁不世遭

集唐

生枝鬪纖腰葉鬪眉且風流御史報人知
合獨慚皇鑒明如日 敢負吾君作楚詞

翠鈿緣

南山逸史

著



西江月未上達士常安義命。痴人多費周旋。算來無事不繇天。且把婚姻劇演。姻簿月中註定。紅絲暗裡牢牽。利刀一刺轉嫣然。認取翠鈿嬌面。

正目

曾行刺的韋家郎。拗不過荒唐月老。
巧貼翠的种氏女。掩不過嫵媚刀痕。

第一齣 詒姻

夜行船

生巾服上。裘馬翩翩誇上乘。凌雲志直恁。

縱橫偃蹇星期。蹉跎雲路搔首向天頻問。集唐明

時不敢卧烟霞。驟駟何年別渥洼。紅粉樓中應計日馬蹄。今夜入誰家。小生韋固字孟堅。節度韋公長子。家本石城。遷居六合。倜儻好奇。喜讀書。復工擊劍。遭逢不偶。未跨鳳先效攀龍。若論先人恩蔭。該襲千牛之職。只是小生羞稱統綉。志在科名。先君在日。曾聘下年伯潘昉之女為妻。止因游宦各天。未諧花燭。卽今寶應初年。進京應舉。來此是宋城客寓。旅况無聊。今夜月色如銀。萬籟俱寂。怎生

睡得合眼。不免到平林之下。閉步一回。則個行介

太師引皓魄痕。似秋水連天浸。怕孤眠把愁心夜

捫。你看梧葉驚風。蛩聲咽露。又早是涼秋景色也。

悲逆旅。忽驚秋色。寄征衣誰搗寒砧。只為想瓊林

宴後纔合。因此上遲賦三星。非是俺貪孤另。青

年老成辜。負了捫香美玉芳齡。虛下末皓髯策杖

丑扮童子負書上

前腔策杖行。紅塵徑小奚囊包羅甚精。小僧何登

者是。卽吳剛之化身也。月中持斧。世上伐柯。摘來

幾片梭羅葉散作人間並蒂蓮。只爲世人見了美
色。輒生覬覦。不知婚姻有箇大數。上帝所重。不亞
於壽命功名。世人如何妄想得。以此小仙暫下塵
寰。畧施點化。那濁世緣深緣淺。都是俺註定疎親。
竒謀巧計空自騁。怎知道天意難爭。倒不如安天
命。把絲蘿順承。反得箇唱隨琴瑟和鳴。童兒取書
過來看者。丑。遞書看介。
宜春令。青雲境。白玉京。天眼無遮。把姻緣註明。親
疎好醜。笑來沒得些兒剩。一任你燕想鶯求。怎逃

他絲絲牽定。囊中出赤繩。介。此繩一繫。不啻你貧
富貴賤。是遠是近。若老若少。免不得成雙作對。哩。
好一似大海歸萍。說甚麼歲月淹沉。管教你齊眉
交頸。我想那男女配合。有意料所不及的。真非人
所能爲也。

前腔。花無意。水有情。等閒間姻親締成。我這繩兒
呵。不止爲人作合。還要拘他狂逞。那些男女自墮
地時。把他脚踪早已牢拴定。日下一樁公案。說來
却也可笑。有個韋生呵。他待要厭棄姻親。一謎價

胡行私騁。誰知道七首多情。起死回生。合婚時還
有個翠鈿為證。道猶未了。遠遠望見韋生來也。

太師圍醉

生上太師引愛蟾明。深入扶疎徑。見末

介為甚的翻書苦辛。他飄飄的林中讀易。反愧俺

步月閒行。醉太平。思省。我待學石渠天祿。較書人

正沒個青藜光近。

向未揖介老叟拜揖未起回揖

介郎君何來

主小生韋固因進京求取功名信宿

于此太師引。因耽着練痕玉影。又誰知夜眠遲。邁

得同心老翁。月下尚然讀書。極是留心功名的了。

惟其不測
所以大定

請問所讀何書。末功名二字。非我所司。亦非我所

知。我乃月下老人。專管人世婚姻之事。此書乃婚

牘也。生原來如此。失敬了。舉手介請問老翁。如今

婚姻之事。變動不測。或以勢合。或以貧離。秦越異

地。老少異年。風波在枕席之間。豺虎出簪纓之冑。

野合堪羞。化離增歎。有財則破鏡重圓。無勢則鸞

膠難續。目前的怨女曠夫。勞人思婦。這難道也是

書上註定的不成。外郎君何出此言

前腔。這根苗端的繇前定。似銅碑鐵板刻成。取繩

示生介生這繩要他何用外若繫了這絲紅線總

睽違畢竟完成外大約男女婚媾皆係五百年前

三生石上會面之時以一笑為定那主婚使者以

赤繩牽繫兩人之足雖仇如吳越遠至萬里終做

夫妻如今世上人欲圖僥倖豈不是妄想麼須信

三生石上結同心諧百歲夫妻有準莫把個塵緣

覷輕就是幾夕同衾碧海蒼天也照人生舉手問

介既如此說小生自幼聘定潘勛之女為妻煩老

翁一查可存在上面否外查介潘氏非郎君之配

生驚介這等小生的妻子是誰外又查介君婦纔

二歲十五年後始入君門生惱介此女姓甚麼却

今安在外此去三十里店北地方有賣菜陳姬懷

揣的女孩便是生冷笑介豈有此理

三學士潘女芳年相廝稱佳期指日當遶反將襪

襪更前定教我等得黃河甚日清若到十五年來

方合外他那裡眉初畫我這裡鬢已星老翁的話

太失倫了小生不敢輕信

前腔外驟聽吾言似不經怎知道一飲啄尚有前

因你此時月下生疑詫。日後燈前細討論。童兒收拾書籍。我回去也。拄杖芒鞋歸去穩。已悔我輕饒。舌又何須苦辨明。下生背介。難道果然有這等事。待我再盤駁他一番。轉叫老翁不見驚介。呀。忽然不見了。這椿事好生詫異也罷。我明日上京。少不得要從店北地方經過。不免去訪一訪。看可有個賣菜老姬。與那二歲的女孩便是了。

幾處移家逐轉蓬

彩雲天遠鳳樓空

迷情更說何珍重

曾向瑤臺月下逢

第二齣 刺偶

一剪梅。老旦抱孩上。孤孀無計哺雛鷄。流落堪憐。

冷落誰憐。聊將賣菜度餘年。兩命絲懸。兩淚絲懸。

可憐。柴戟舊門墻。一旦遭兵。作戰場。我欲撫孤存。

趙脈。隻身流落在他鄉。老身陳氏。乃種府中蒼頭。

之婦。先節度老爺。止生得這位小姐。不幸遭祿山。

之亂。一家被害。老身懷抱小姐。逃到宋城店北地。

方。幸喜得賊氛漸息。只是故園已破。難圖玄鳥重。

歸。弱息猶存。誰念鳳雛垂盼。哎。好不苦楚人也。只。

得在此賣菜度日。且撫養小姐成人。再圖歸計。兒
啼介呀。小姐睡醒了。不免喂他些粥飯。則個作喂
介

師子序傷家變。乏胤傳。這萌芽是中郎一綫。可憐
見煌煌華胄。僅留此點啼媛。若不是懷揣出兵亂
裡也。難免膏斧鉞。罹災殃。實溝渠。芳魂含怨。我想
老爺存日。有多少同官寮。案門生故吏。今日小姐
流落在此。總無一人存問。有誰念故交。苗裔弱息

饑寒

生策馬丑隨上

太平歌嘶紫燕。不住拍金鞭。望咫尺鄰封。直恁遠
爲功名。怎惜身勞倦。要博個鴈塔聲名顯。前面是

那里了。丑店北地方。生昨晚老翁說。我的妻子在

此處賣菜。姬家年甫二歲。小生今年到有二十餘
了。大小不倫。怎生相配。荒唐堪笑。老翁言豈有恁
般緣。見老旦大驚下馬。問介老婆子過來。

賞宮花。問你這嬰孩。幾年爲何因泣。矮簷根。苗須

直說。心事暗相牽。老旦官人問他則甚。生骨肉亂
離多失散。尋踪覓跡到君前。

降黃龍換頭老旦。堪憐二命。笑笑何事。郎君驀然

垂盼。生只講他幾歲。你姓甚麼便了。老你試覷他

嬌啼婉轉。痛血塊呱呱。便遭多難。悲酸。背唱介你

非至戚。為何將人留戀。多管有分毫瓜葛。因此相

咨詢。不肯空旋。他年方二歲。老身姓陳。在此賣菜

度日。生背語介呀。那老翁之言。我只道荒唐。原來

果有此女。他如今纔得二歲。我如何等得。偏要拗

他。一拗不免將這孩子刺死。難道他十五年後。還

會活起來。與我成親不成。出刀刺介孩大啼老旦

驚跌叫介救人救人。生上馬加鞭急下。老旦哭介

天殺的。嗚

哀遍。可憐他嬌雛一命。懸嬌雛一命。懸與爾何仇

怨。只道窮途驀地逢親眷。誰料仇遭狹路。生機變。

崑望街隣。急救嬰兒喘。雜扮市人上介。自不整衣

毛。何須夜夜號。媽媽。你為何哭倒在此。老小姐為

盜所傷。故此啼哭。衆小孩子有甚東西。值得他笑

計斷。是與你家有仇的了。且看這孩子。可救得活

麼。老看介。可喜可喜。只額間損了皮膚。雖然血流

不致傷命。我且裂下衣襟，裹了傷痕，再求醫治。

香柳娘合謝穹蒼見憐。謝穹蒼見憐。刀痕入淺，不

過是額間滲血無傷喘。雜這女娃忒小，何必苦苦

守着他。老我怎生棄捐。我怎生棄捐。忠臣一脉，延

生死相依戀。雜這孤孀志堅。這孤孀志堅。我想程

嬰存趙氏之孤，千古頌其高義。你把血胤周旋，忠

貞同羨。只是此間住不得了。況且四方已漸平靜，

你何不抱着小姐，去找尋他父親的舊交，以圖收

養。老說得是。只是路遠時艱，缺少盤費。雜我們隨

力助你些銀錢。

前腔贈你家數緡。贈你家數緡。少行方便。前途急

去投姻眷。老只有相州王爺是我老爺好友。若去

投他，他或者收養不可知。望相州去。望相州去。

遄生死有盟言。交情今乃見。雜這等說，你快去為

是。老拜辭介。感高鄰曲全。感高鄰曲全。此去有機

緣。敢忘恩善。

雜漫勞一飯報千金。老且德被窮途，感自深。

合誰道人情今古別。撫孤拯難有同心。

第三齣議親

鵲橋仙生冠帶引衆上功名唾手榮華捉鼻所恨
良緣未偶敝貂久已換重裘只半幅孤衾照舊下
官韋固自從向年入京應舉忝掇巍科指望覓便
還鄉早完姻配不想王事靡盬不得自由奔走風
塵一十餘載今又陞了西川節度不便歸里親迎
已曾差院子梅香去接潘衙小姐到任成親去了
許久想在旦晚到也末扮院子丑扮梅香上
不是路喜事成憂百歲良緣一旦勾見介院子梅

香叩頭生你們來了親事到門了麼末丑老爺不

要說起親事多儻山鷄無福配鴛儔生驚介這

是怎麼說末潘小姐已死將及一年了病難瘳香

魂久已隨雲散好事今當付水流生怎麼有這等

事掩淚介姻緣繆佳期將值悲分首我想起月下

老人之言有些心疚有些心疚

桂枝香撫新追舊前言非謬又誰知野語齊諧倒

做了玉言金口只是一件他當初說店北二歲的

女孩是我的妻室却已被我刺死眼見得這句話

兒不驗了。我如今少不得要娶一個續絃。還虧我
這回天妙手。斷送了當年乳臭。不使他片言無漏。
笑嘆介。老人老人。我還勸你改正姻緣簿。莫待他
年對問羞。叫左右外面喚箇官媒來。衆應下。我韋
周年雖三十有餘。似我這等才名。又居了這般顯
職。何求不遂。何事不成。我偏要選一個名門望族。
絕世佳人。物過那月下老人的話。

前腔。數竒偏偶。機鋒相鬪。任伊行起死回生。難料
我移申換酉。笑他把天書懸肘。天書懸肘。說甚麼

紅絲牢扣。又道是人謀難就。敢相等。既然魚水前
生。定爲甚的。容人別下鈎。付淨扮媒婆上。良媒不

怕姻緣少利嘴。能招主顧多。韋老爺喚媒婆有何
分付。生。我家裡聘的夫人。不曾過門。竟物故了。如
今要娶一房續絃。喚你做媒。第一要名門閨閩。第
二要美貌多才。第三要年紀不可太大。不可太小。
要來就要當家理事的。你須要用心體訪。付淨媒
婆。曉得。一一中老爺意見便了。

大趂鼓。忙將淑女求。闕唯不遠。只在河洲。老爺我

想相州王節度有個小姐才貌俱全，年紀也有十七八歲了，恰投着老爺的機，只是說起填房二字，恐未必肯。生：若是王爺，他與我屢世通家，極相契厚，你去懇求，料無推阻。付淨：這等媒婆就去，好事多應就。朱陳孔李，既相投，喜酒媒錢落得收。

生：別有鸞膠續斷絃。

赤繩何用暗中牽。

付淨：心機能奪天機巧。

只用媒人不用仙。

第四齣 嬌粧

似娘兒外冠帶引衆上。節制雄藩，看戶列貔貅百。

萬清如水，玉重如山，百辟嚴趨，禮絕攀。朝廷有道，

青春好，門館無私，白晝閑。下官王泰，官拜相州節

度，昔年收養種年兄之女，不覺的過了一十四載，

年已及笄，且喜他容貌端妍，况又知書達理，一向

爲之覓婿，須得一風流才子，纔了。下官這點心兒，

恰好有西川節度韋固，尙未有室，遂將此女贅他，

已曾擇下日期，須料理花燭之事。院子，分付衆役

迴避，請夫人小姐出來。衆下：貼扮夫人，且扮小姐

老旦扮保姆隨上。

接雲鶴貼雲板遙傳。應是放衙歸院。且罷粧緩出香閨。且向尊前拜見。且見介。爹媽萬福。外。貼。我兒坐了。老保姆叩頭。外。夫人下官年當半百。膝罕麟兒。且喜此女長成。端妍秀麗。我一向留心擇婿。如今有西川韋節度。原是通家之子。未有姻親。央人來說合。我已許下了他。佳期定在明夜了。故此請你出來。打點孩兒出閣之事。貼。老爺粧奩俱已完備。不煩費心。只是一件。指且介。你看這如花似玉。女兒。可憐額上損了一點。用何方法。遮掩過了纔。

好。外。正是呢。

黃鶯兒貼老旦。合。百媚沒譏彈。止微瑕。點額間。怪蜂針刺損。梨花片。雖然是捏香牡丹。微紅怎刪。還只怕探花虐。使尋花綻。外。下官曾聞白鳳膏。玄纈髓。可去疤痕。只是急切中。那討此物。貼。聞得昔日壽陽宮主。晝卧含章閣。忽紅梅落于額上。愈增妍麗。後來宮中。盡效梅粧。如今何不學他法子。將翡翠梅花鈿。粘在眉間。巧粧填。除非是眉心小印。一捻翠花鈿。外。說得有理。快取寶鈿翡翠過來。老旦

取上貼旦代旦點介

前腔并剪劈金蟬對菱花膩粉粘與鴉黃麝月分

香艷老旦小姐行幾步待我們看看旦行介貼旦

老旦笑介呀愈增嬌媚也比啼粧更妍較梅妝自

偏一星兒襯出桃花面竟天然女媧妙手生補就

玉嬋娟雜扮官媒捧禮上紅檀包六禮綉戶供三

星叩頭介外韋爺來了麼雜是韋老爺將到門了

貓兒墜油幢將近繡幙已紅牽獻禮介莫雁先將

不腆傳準教明日跨青鸞誼闋看銀河鵲駕早會

雙仙

前腔粧成金屋楚楚正堪憐韋曲東床宿世緣春

風正及破瓜年合前

尾神仙欲把新粧顯特地微痕損後天有分教香

閣嬌容竝效妍

金屋藏嬌錦繡叢

定須才子作乘龍

公孫開館招佳客

十二層樓倚翠空

第五齣證誓

珍珠馬旦艷服丑扮侍女捧粧盒上彩鸞初跨秦

樓月仙史同吹簫韻徹。甫得于飛叶。幾度見郎羞怯。星初掣。又報道曉粧時節。浣溪紗。屏開孔雀咏河洲。戶照三星。遂好速。問年十七。正嬌柔。初學帶冠從母命。鏡中却步。見人羞。花簪珠串。插盈頭。奴家种氏。幼蒙王公抱養。視若親生。年當及笄。爲我擇婿。昨宵合卺。那韋郎與奴家。年齒雖不相當。喜得他美如冠王。十分惜玉憐香。奴家獲配君子。可爲終身有托矣。你看曙色臨窓。鳥聲入耳。恰是曉妝時候了。

丑 小姐。犀梳菱鏡。黛筆口脂。雀兒粉。

翠花鈿。件件在此。請梳粧。且對鏡介。

二郎神。鸞鏡徹。較昨日臨粧。慵困些。繡枕初離。眸嬾揭。丑代根介。合新粧楚楚。分明畫裡人兒。只眉

際湘痕如泪疊。待我與小姐貼上翠鈿。貼翠介。且將這翠花輕貼。巧設誰道是寶色。增加暗傷玉質。生紗帽繡披唱上。

集賢賓。陽臺雲雨剛半接。温香受用。方熱被鳥語高枝聲轉折。夢醒後香生衣褶。下官與娘子成婚之後。喜他嬌容麗質。果是無雙。只是眉心有

初婚之態
如是

疤痕細覷疤痕眉隙。幸喜他慧心把翠花鈿護住。
效五出壽陽宮飾難臆測。因甚是玉容媒蘖娘子。
你梳洗完了。揖介旦答禮將扇遮面介。

皂羅袍。生眉嫵青青黛接似芙蓉出水。丰神俊潔。
兩峰高壓翠眸斜含羞頻感垂楊葉。近覷旦介旦。
羞避介。生笑介。娘子。我和你百年恩愛。自今伊始。
何必害羞。須將紈扇輕輕收摺。代收扇介。從今偃。
倚囁囁不絕。背介。待我問他一聲。轉介。娘子。這眉。
間。又止介。我幾番欲問。處唐突。請問娘子。這眉間。

一點疤痕從何而致。旦羞不對。喚保姆快來介。老。

上

簇御林。銀河渡。剛屈節。拜介。老爺。小姐。萬福。向雙。
星稱喜。謁小姐。叫老身做甚麼。敢是被韋爺纏得。
發羞麼。新婚便恁胡牽惹。他見朵嬌花未慣。狂蜂。
蝶。休忙。裹用些兒軟款。彼此自疼熱。生笑介。到不。
爲此。老却是爲何。

皂羅袍。生有話。喉間難咽。怪娘行眉際。巧添翠葉。
真容反被假容遮。人工怎把天工借。老。老爺問這。

個緣故麼說起來也話長。生何須委曲不妨直截。夫妻骨肉恁般澁怯。須煩保姆從頭說。老待老身說來。這位小姐原是節度種老爺所生。年方二歲。便遭安賊之亂。我老爺一家被難。虧老身負了小姐。冒險而逃。

簇御林。他剛離母。又失爺。在我抱懷中啼帶血。那時逃至忠北地方。賣菜糊口。忽然遇着一個奸徒。走將過來。問老身之姓。與小姐之年。我不知。他懷着歹意。以寔告之。誰料他猛持匕首。將人刼痛。瓊

芽險被狂且折。被我喊叫起來。他慌張躍馬而去。幸小姐的福大。止傷得些皮膚。畧傷些花容。似嚙。故把翠鈿遮。生大驚。背介這等說起來。依舊是我所刺的人兒了。

鶯集御林春。鶯啼序。聽說出個中情節。好教人捫心咋舌。集賢賓。那老人話言真怪。講到如今。纔將人口滅。轉介保姆。你道刺小姐的是誰。老那裡曉得。生自指介。是區區操寸錢。老且驚介。怎說是老爺。簇御林。生娘行不惱聽。詳說下官旅宿宋城。閑

行月下遇一老人看書我問他是何書他道是人
 間婚牒下官因問我曾聘潘氏為妻成婚何日他
 道那不是你的妻子
 三春柳道爾婦尚嬰雛此時
 呵在老婦懷中學哺啜老呀有這般奇事生我次
 日策馬東行果然見個老嫗抱了一個女孩

前腔猛見他懷揣嬰兒懊恨這緣乖分劣教我如
 何等耐者我心中偏要使那老人之言不驗故此
 要刺殺他另行婚嫁不覺的友生胸臆便提刀直
 刺只道這根芽都剗滅誰料依然枝暗接三春柳

看玉樹帶微痕果是婚姻前定也老
 幸爺虧你當

初下得這個毒手

二犯黃鶯兒為甚的龍性偶同蛇正人心忽地邪

指且介這嫩生生一命幾亡絕生後來如何便投

到王衙老王老爺與我老爺是相厚同年多謝他

孤憐寡恤收留撫摯似親生骨肉無些別到如今

擇婿透才良緣歡洽小姐你不要怪幸爺只怪那

月下老人他不該早把天機漏泄生看將起來萬

般都是命半點不由人窮通壽夭那一件沒有個

定數。婚姻其一端耳。人要拘命。可不錯了念頭。

前腔。機巧何須設。那冤親常互結。三生石上。昨曾

瞥。千磨百折。終難割絕。地天註定。鴛鴦牒。額際刀

痕。轉添嬌靨。千載後。這段奇緣。勾說。侍兒們斟酒

來。待我與夫人暢飲一回。你們高歌者。

雙聲子。雙眉冷。雙眉冷。輕翠貼。倍光燁。非扭捏。非

扭捏。郎君傑。夫人哲。相顏頡。相顏頡。長和協。長和

協。正妙舞清歌。醉花坐月。

尾。播管絃。霏玉屑。把定婚兩字。店中高帖。方信道

飲啄皆由前定也。

生袁郎金鈿不成誇。老旦更出梅粧弄晚霞。

合今夜月明人盡望。有天教上且乘槎。

鸚鵡洲

西神鄭

瑜著



生扮禰衡上。堪笑世間人。辭歡就苦。再不肯齊。難
 籠放却鸚鵡。自從在黃鶴樓。看開了五月梅花。此
 後便摔斷了漁陽槌。不打這鼓。我禰正平爲何說
 此四句。人生在世。與那些冤家眷屬。灘灘糾纏。一
 朝死了。走在半空中。他那裏尋得我着。譬如鸚鵡。
 還是在籠中快活。還是在籠外快活。就是我前日
 打鼓時節。骯髒牢騷。招非惹是。不如呂先生贈我

鄧下四字
 才情橫溢
 白藻紛披
 其可嗣響
 臨川老瞞
 醜案狡獪
 作戲耳莫
 向痴人前
 說夢

一枝玉笛。可以描寫適怨清。和你道。還是打鼓從容。還是吹笛從容。我如今好不自在也。無往無來。獨行獨坐。不識東西南北。那知春夏秋冬。有時央呂先生。挈觀蓬島。伴他朝遊碧海。暮宿蒼梧。有時陪巫山女。赴夢高唐。挈他朝爲行雲。暮爲行雨。有時見賈太傅。在長沙痛哭流涕。長太息。我便笑個不休。有時見屈三閭。在澤畔憂愁幽思。作離騷。我也反他幾句。有時借宿宋玉宅。聽他唱陽春白雪。叫我一人當郢中客。和者數千人。有時遇訪昭君。

村。問他些白草黃沙。叫我改窠次韻的蔡文姬。胡笳十八拍。有時到汨水邊。見景差唐勒。替楚靈均招魂復魄。我勸他道。幾十年師弟。也不必還。這樣悲傷。有時到君山上。見娥皇女英。爲重華帝淚洒湘筠。我慰他道。百多歲夫妻。也不消尚。這般恩愛。有時過蒙莊野。聽南華生在那裏說鸚鵡。談鵬。我便遠遠相看。只與他相視而笑。有時經陳蔡郊。遇狂接輿。在那裏泣麟悲鳳。我便悄悄走去。恐怕他趨而避之。其餘小小遊行。不必盡述。趁此清風明月。

之下、隨意乘風去也。

點絳唇。撒手行空。黃泉碧落分清。夢控鵠騷鴻。不厭游魂重。乘空到此已近楚郊。我自歸天以來。神遊八極。又不至鸚鵡洲了。如今死生一致。恩怨皆空。則此地正是我脫離苦海之處。不免再去遊玩一番。吹笛行介。

混江龍。你看鸚鵡洲呵。依舊大江橫。拱萋萋芳草。蕙蘭叢。遙望漢陽晴樹。幾簇粘空。呀。有一古廟。扁上寫漢禰先生祠。嘆千古一堂供幻影。有一大碑。

在左。看何年三絕豎穹窿。原來是孫伯符擒了黃祖。就此立廟。碑文是虞仲翔做的。虞公呵。你在當年願青蠅為吊客。唐人李白弔我詩。有蟻視一禰衡之句。我被後人將黑蠓况孤踪。右邊一牌刻我的鸚鵡賦。世人只道是千秋絕唱。我如今茹雪餐冰。烟火久斷。著作大不相局了。見了些荒祠敗宇。敵棟頽墉。瓦霜甍露。隙颺。息凍。殘香冷。火斷鼓零。鐘茨碑。蘚碣篆。蚓雕蟲。蝸涎鼠糞。蚰網蛛封。兔葵燕麥。秃栢枯松。閒花野草。慘碧淒紅。神燈鬼燐。牧

嬰武沙
跡樵踪伊威熠燿町曠蒙茸朽龕壞像裂服淋容
都縛在拘拘色相中看將來瑣瑣成何用。到不如
踢翻一脚重闡宗風。吹笛行進介呀裏邊還有去
處。是一大塚不知何人的。

油葫蘆松柏森森馬鬣封有一石碑看介寫着漢
處士彌衡墓原來就是我一堆黃土蓋英雄咳塚
中枯骨世人多有草木同腐的。你如今數千載牛
眠無恙都是我惠你不朽。你該謝我呀旁邊有一
小塚小碣上寫着鸚鵡塚我曉得了。一定就是我

作賦的鸚鵡死了。好事的瘞於我側咳鸚鵡呵你
也不能丘首歸南隴。你我相依可便是伯鸞僑傍
要離塚咳你爲能言遭籠我爲能言罹禍可知道
階言語人與鳥多禍恐你不知可有魂魄我如今
獨歸華表悲人世誰識得舊丁公且再到祠外沿
江空濶處行走一番吹笛行介呀江岸好一株大
樹鸚鵡飛上又飛下作入樹介內白南無阿彌陀
佛南無阿彌陀佛我是漢朝鸚鵡因見彌先生作
賦被害我亦三日不食而死當時人就葬在彌先

生墓側一靈不散、每於風月之下、隨意飛翔、那邊有人、且躲在這樹裏、南無阿彌陀佛、南無阿彌陀佛、**佛**、**生**呀、那裏有人念佛、四望又不見人、**武**觀自在菩薩、行深般若波羅蜜多時、照見五蘊皆空、**生**又念起心經來了、一發奇怪、細聽其聲、在此樹上、你**武**你是何人、你說了、我便與你說、**生**我是彌正平、說與你也不認得、**武**我怎麼不認得你、只怕你不認得我、**生**你的**武**是何人、如何反認得我、**武**彌先生、你試猜一猜、猜不着說與你未遲、**生**猜介

天下樂莫不是近處兒郎探雀叢、**武**不是、莫不是

小沙彌逃禪蔭綠濃、**武**不是、莫不是鳥窠師借他

巢鵲空、**武**也不是、莫不是老狐狸逞孽妖、莫不是

喬鬼魅相嘲笑、**武**都不是、**生**我曉得了、這聲音不

似人聲、方才後邊又有鸚鵡塚、又說認得我、又會

念佛、一定是那鸚鵡的魂了、來、我如今猜着了、**武**

你快快猜來、莫不是當年鸚鵡千載顯靈通、**武**真

被你猜着了、別人也不要他猜、彌先生聰明絕世、

一定猜得着的、故叫你猜、果然猜着了、我如今千

秋獨立萬里無家。此後只隨着你行止，永不相離了。生：如此甚妙。吹笛同行。此後武入內，只當上樹。內人代說白：莫不長言乎？

那吒令你說甚采采麗容，已蚤出了檻籠。我說甚文章鉅公，已脫離了蠶蜂蒸熟粉團，點紅搓和了。聰明懵懂，我與你一路同行，好似大士身邊白鸚哥子紫竹林中。武飛入內。生：他又飛上樹去了。武內問：彌先生，你如今要到何處去？生：聞得呂先生在岳陽樓，要去會他一會。武：我正要見他，一見飛

出吹笛同行介

鵲踏枝。才行過鄂渚中，又轉到洞庭東，似已聞波浪。溯轟又蚤覺，猿題盤拱，料得他收書東老，應軟在說劍仙翁。武入內。彌先生：你可怪那黃祖麼？生：我為何怪他？

寄生草。這是我四柱中度已刻，五行內祿已窮。况那煮華亭，肯惜平原痛。劈焦桐，那顧中郎慟。逞狂狷，忍把唐堯送。就是不道黃祖百年駒隙耳。雖時檢任了五更鐘，料浮生掙不遠三春夢。飛上同

生吹笛行又入內白。你可怪那劉表麼？生一發不怪他。

村里逐鼓。他把我十分承奉。躡珠履畫堂中出眾。我做了東吳去的書。他執了我的手說道。處士正合吾意。從此愈加知重。仲宣輩也競相傳誦。他送我到黃祖處。因路近東吳。要我到孫氏避難。也有密書與伯符。叫他悄悄地相迎。金蟬脫殼。片帆相送。我以七尺昂藏。逋逃可恥。又恐怕淵藪難容。因此上殃苗暗種。武上生吹笛詞行又入內白。若這等

說。禰先生你獨怪曹操了。生這不但。不怪他。還該感他。武內這怎麼說。

元和令。他得了孔北海薦賢書。才片帑連忙的奏朝廷。辟賢車。頒異寵。眇書生。萬里御鵬風。清華咫尺中。黃金橫帶馬如龍。堪施匡濟功。武既如此。何不就做他的官。却去罵他。生有個緣故。我只得昧了心。

上馬嬌。將椀杖兒敲。把惡語兒闕。我兩個乍相逢。暗中終覺心相痛。索性狼了心。又還他一陣鼓。蓼

嬰武沙
七
蓼武這等說我一發不明白了再走一會再說罷
飛出生吹笛同行又入內白禰先生一發說完了
你究竟爲何如此生我一則來見那些幕下之士
勝葫蘆都是些暮龔朝荆視事戎那劉楨又忘了
隆準舊華宗那些從軍公晏詩專用着諂語諛言
多乞頌因此上雖則相逢未嫁忍把明珠擲碎不
忍廁微躬武內白這樣說起來曹丞相沒有甚麼
不是倒是禰先生有些不是了禰先生你還有甚
心事來生我與孔北海楊德祖三人爲忘年莫逆

之交那孔北海與曹公呵

么兩賢又在相阨中况又與玄德暗相通更兼魯
國男兒聲價重生平諛語戲言不一而足畧舉那
丁零肅慎牛羊楛矢姐已賜周公武這也不干禰
先生事飛出生吹笛同行又入內白還有楊德祖
怎麼說生那德祖又與曹公素有甚刺的

後庭花他不幸宅相出袁公又一合酥或把聰明
賣美况兼那鷄肋宣機密酬箋亂曉風大小兒終
難和哄我若親逢這兩宗既不能彎杜伯弓又忍

視角哀偏餒凍。因此上先幾辭爵寵。武內白。這樣說起來。又是禰先生是曹丞相有些不是了。生他。也沒有甚麼不是。他蝮蛇螫未終。解腕須忍痛。千古罵曹公的。是寧我負天下人。不使天下人負我。兩句話。不知這兩句話呵。惟有真正英雄。方肯在口角頭明宣誦。若遇聖賢人。只放在心坎中。牢牢的。啐。飛出生吹笛同行。又入內白。他把你送到劉表處。是怎麼說。生。他認我與關公一樣。降漢不降曹的。故送我至荊州。聽關公歸豫州。他說在劉

在漢。在漢猶在曹。這便見他至公無我了。

六么序。他散英賢徧九州。合天潢匡一統。就是益州璋牧也還了他一個張松。况景升與玄德呵。一個是俊及芳踪。一個是對樂雲封。都不忝了粉米華蟲。我與關公呵。一個是章逢頗牧。一個是介冑夔龍。曹公只說道。經營布置已沒有織毫縫。誰想劉表也不曉得曹公送我去的意。又把我轉送到黃祖。後來舍長立幼。自家也就死了。遺孤幼弱。必爲他人吞併。這是借寇兵了。只得下江陵。收拾劉

琮此時玄德若與曹公同心協力殲滅江東漢朝一統其功不在朱虛誅諸呂梁王滅七國之下反與孫權共爲赤壁之役這叫做向穴嗥倒挐了他家弄曹公呵熱心一片都化做冰冷西風武飛出生吹笛同行又入內白人說赤壁鏖兵暢快得緊禰先生你試述一番生有甚暢快來這都是周瑜不是武又來了這怎麼說生那時曹公得了荊州水軍八十萬順流而下要與孫權會獵于吳也只爲孫堅原是討卓同盟要提携他兒子孫權若聽

了張子布老成之言則漢朝社稷靈長自家爵位不在竇融錢俶之下

么旌蔽長空千里揚帆縱不意周瑜少不更事黃蓋吠非其主一把兒茅蓬檣艫兒通紅不仁哉祝融助虐兮東風此時曹公只道父執提携必無反噬之慮誰想碧眼頑童潛螫狂蜂猝然間走至華容關公深知天下大計漢朝少不得此人況今日無了曹公明月孫權周瑜必乘全勝之勢就來殲滅劉家一枝兵馬了因此上單刀匹馬啟網開籠

假說道報效私衷、擦得個軍機、違誤斬首歸營。若曹公果然是個國賊、關公豈爲一己之私、悞了大事。我那時一靈兒也在雲端相送。此後周瑜以戕害王師、焦爛多命、旋受天誅。黃蓋以墮水受寒、棒瘡凍潰、也就死了。孫權子孫代代濁亂、到孫皓時、又遇王濬樓船行動、免不得豎降旛、蕭條青蓋東昏。共後來劉備因劉璋好意、請他去共守益州、却忘恩負義、同姓自相攘奪、占了四川、不久爲陸遜折辱而死。及阿斗降晉、愚愚蠢蠢、比孫皓更出醜。

了。武原來孫劉不是好相識、又都不識好人。生便

是、先前玄德爲呂布所敗、投奔曹公。曹公大喜、得一挈手。一見關公同來、更加快意、飲酒中間、論一時人物、都不中用。只說道：天下英雄、使君與操相趨奉。誰想玄德自揣只好乘危草竊、做不得忠臣。正有些惶愧、忽聽霹靂一聲、便當筵驚慌、失筋不心虛。怎怕雷公。武飛出生、吹笛同行、又入內白人說。曹公要銅雀春深鎖二喬、故孫權周瑜、不得不拒他。生這是杜牧之偶然做的詩、後人也訛誦他。

說亡國破家不理會。却只理會兩個婦人。那有此
事。况曹公與二喬之父喬公。生平莫逆。當年有後
死者。過墓不祭。車過腹痛之語。何忍爲此。且曹公
與蔡中郎交好。中郎之女文姬。没于胡中。曾以千
金贖歸。配與董祀。他若是漁色無忌。二喬尚是賒
的。文姬是現的。又且才色雙絕。何不自家留了。却
配與他人。武原來如此。不說不知人。又說兩偏搶
劉備的媽媽。故挈了孫權。可有這話。生這一發胡
說了。第一次爲呂布所敗。自家帶了家眷來投。第

二次關公奉甘糜二夫人來投。秉燭達旦的那有
此事。武原來如此。生不但如此。就是他破了冀州。
急去召甄氏。正要借此招來袁熙袁尚。以全平昔
與本初同盟之義。後人不知。却說與曹丕相爭。一
發可笑。至于陳壽三國志有裴松之註。說關公爲
未生子。求秦宜祿之妻。曹公疑其美。自取之。以致
關公啣恨。此一發無根。關公豈求有夫之婦。曹公
豈却關公之求。總總虛無。皆不可信。
寄生草。這都是那野稗官。全沒據。更兼那謊小說。

絕不通他若要鎖銅臺混占了過車腹痛的雙雛
夙他若要污天潢連搶了瓊瑤賽好的甘囉噴他
若要採塘蒲先做了流風迴雪的驚鴻夢他若要
載羅敷豪奪了封金却媛的宜男種又何必賢王
帳黃金遠去贖蛾眉却不教他望西陵死生自聽
胡笳弄武飛出生吹笛同行又入內白我那一夜
飛到黃鶴樓見做官戲的粧你打鼓罵曹操可有
這事生這是徐文長借他人酒盃澆自己磊塊我
天上尚不肯去何曾到地府

柳葉兒他把我比自己的前程儘值借曹公罵前
日的當軸冬烘我若肯與那鄴中七子同供奉那
曹公怕不似那豪總制爽胡公把蕙文長十分的
信任尊崇武武原來如此從來作史的都是痴人說
夢閱史的都是矮人觀場了生千古事無不皆然
武飛上生吹笛同行又入內白禰先生你索性把
曹丞相做人細說一番
青哥兒我如今喚醒了痴人痴人說夢提起了矮
人矮人搬弄他是個間生天上種說不盡他蓋世

要武沙
三
英雄絕世明聰。治世純忠。亂世奇功。名世宗工。應
世靈通。濟世艤幢。救世參芎。澤世神龍。儀世飛鴻。
貫世長虹。警世豐露。振世金鏞。威世彤弓。下世虛
冲。包世涵容。礪世磨礪。華世璜琮。肩世柟松。鎮世
衡嵩。豈比那隨世橫縱。詐世謙恭。希世員融。效世
雷同。欺世玄空。逢世中庸。諧世彌縫。奉世奴傭。戀
世醇醲。潰世疽癰。混世魔公。醜世淫風。雲世机鋒。
囿世樊籠。沒世愚侗。棄世盲聾。刺世辛蜂。射世沙
蟲。呀世蚊蚤。穢世蠅蠊。他曾說天命在吾。吾當爲

周文王矣。我從千古上。細對針鋒。除非是那三分
服事老姬公。堪伯仲。武飛上。生吹笛。同行又入內。
白。他既然是忠臣。何不分付曹丕。不要篡漢。生咳。
父子那裡相顧得。若曹公能禁曹丕。文王何不禁
了武王。况他早知丕有不臣之心。原要立陳思王
爲嗣的。若文王立了周公。曹公立了陳思。必無伐
殷禪漢之事。只是名分上去不得。只得聽天命了。
若伯邑考蒼舒不死。則武王曹丕亦不得肆行其
志。這也是殷之自作孽。漢之天作孽了。况管蔡任

城皆殷漢之忠臣。姬曹之孝子。世間人不會讀書。都糊塗看過了。就是晉太傅孚。也曾不滿司馬家兒篡魏來。礪山匹夫。亦唾罵朱三滅唐三百年社稷。一父母常要生出幾般人來的。武飛出生吹笛同行。又入內白。彌先生再細說說看。

廣寄生須知道爲子的。父不能強以孝。爲臣的君不能強以忠。况那穎蒼舒。不過偶刻畫了稱癩象的。舡沿縫。又暫搭救了。擔害怕的。穿鞍從那藻陳思。雖則是極出了限七步的。燃其諷。又幾乎錯應。

了滅五銖的磨錢夢。那勇黃鬚空獨扛了賽烏獲的龍文重。又蚤誤吃了有記色的安期貢。叫那狠五官。又安能徧却了鬧紛紛。螻蟻般的登庸頌。只守定了一些些芝蔴大的中郎俸。况天運循環。鼎無常主。若一姓能永傳呵。則那顏盤古何不兩隻脚踏住了一片闢天基。樂爽鳩真個一雙手搵乾了萬古牛山慟。武說得暢快。說得暢快。走一画再說罷。飛上生吹笛同行。又入內白。那打鼓罵曹操。不是彌先生了。那鎖二喬。搶劉媽。都是假的了。殺

伏后一節、難道也是稗官小說造謊的、也是杜牧之浪吟的、也是徐文長亂道的、生這是有有的、武既有的、難道也是該的、生這是他不得已了、武皇帝爺一般、皇后娘一般、難道不得已、娘也就殺了罷、生也有個緣故、這伏后原不是正后、是庶妾奪嫡的、在東京時、都是他們一班親族、濁亂朝綱、假傳聖旨、裡應外合、以此羣臣不服、把一個皇帝、弄得流離播遷、夫婦幾死道路、曹公在刀箭叢中、救護他二人到許昌、安坐宮中、依舊錦衣玉食、在他二

人身上、莫大之功、莫大之恩了、那伏后不得仍前放肆、要與父親伏完、謀殺曹公、若單殺了他、獻帝無事也、憑他殺了、曹公今日死、明日獻帝自然喪亾、漢社不保、是壞他萬里長城一般、不得已、只得從權、方保得天下不亡、天子無事、

葫蘆草混萬里長城衛許中、孽狐精窟穴盡空、建

安天子享時雍、武古來也有這樣事麼、生這就與

武王殺妲己一般、若武王只殺妲己、依舊服事紂王、如曹公殺了伏后、依舊服事獻帝、則武王忠節

功勳便與曹公一般。反勝文王一味文明柔順。既得專征伐。不能清君側之惡。坐視紂惡日甚。湯社丘墟。我今與你縱談千古。譬如夏龍逢之輩。能殺了妹喜。自然保得桀王。何必自家死諫。救不得南巢之放。又譬如周之晉伯申侯。能殺了褒姒。自然保得幽王。何至爲犬戎所殺。遂至東遷之弱。又譬如晉之諸臣狐里丕荀。革能殺了驪姬。何至獻公惑溺。晉國幾亾。這都是手段不如曹公。故使兩天子。一諸侯。皆遭狼狽了。譬如那小白龍旂。單懸了

剖心斲脛的牝晨用。又譬如那兵諫龍逢。永奉了

太陽同喪的南巢。共譬如那烽火諸侯。掃淨了麩

弧箕服的龍蔡。動譬如那枯苑群賢。協除了夜啼

毒餒的驪戎。武武這樣說起來。伏后是該殺的了。

董貴人一發不消說了。那兩個皇子。是獻帝親骨

血。爲何也不饒他。生這個自然留不得。任手不得。

獻帝自有太子。伏后爲自家有子。故謀殺了曹公。

就要幹奪嫡的事了。禍根是這兩個孽種起的。

發斬草除根。方保獻帝父子安寧。譬如那晉人殺

了驪姬。自然要除那奚齊。卓子。方可保申生。重耳。輔助獻公。連夷吾子圉。也不到後來出醜。譬如夏臣殺了妹喜。連他的子除了。方保得淳維。挈扶夏桀。後來何至逃入匈奴。譬如周臣殺了褒姒。自然要除了伯服。方可保申后。無白華之憂。宜曰無小弁之怨。豐鎬萬年無恙了。又譬如武王單殺了妲己。若妲己有子。也留不得。方可保武庚。匡諫紂王。何至後來有三監之叛。遺恨賜梟乎。霎時間妖雛腥種。悉無踪。越顯得薇垣少海。皆增重。武他供給

內宮衣食。只有一塊歪刺。一匹纓麻。這怎麼說。生這是李催的事。徐文長也移在他身上。可知枉口作舌。前程不吉。武獻帝要傳詔。都沒有人與他傳。這怎麼說。生他若會治國平天下。傳那如綸如綽的王言。不到得身無投奔。曹公收拾在身邊了。傳甚麼詔書。一定是些童蒙的話頭。曹公替他藏拙。况太甲不君。伊尹放之。後來改過。方奉冕歸亳。今獻帝不能怨艾的了。故終身奉之深宮耳。這正是半部兒周王牧野。全本兒伊尹桐宮。武飛上生吹

笛同行又入內白你說來一鬼道理。我心上只是有些怪他。但是說你不過。生正所為鸚鵡能言。不離禽獸。古今大事。豈汝輩所知。武呀。連我也罵起來了。你罵了曹操。罵了劉表。罵了黃祖。如今輪到我了。可知道人都放不過你。生怒介連你也要殺我起來了。武禰先生舊性發作了去討面鼓來再打一陣。生大笑介走路罷。不要開開氣。武飛出生吹笛同行武飛生唱介

煞尾落月去巾低晨色迎衣動看江上數峯青擁。

聖音夢

試問湘靈當年寶瑟為何的人去匆匆洞庭波大葉初紅。見前面危樓已高聳。乘嫋嫋秋風。破微微曉雲。我與你到岳陽樓呵。再不須提起那浪評章。取笑呂仙翁。此去岳陽樓不遠了。天色尚早。呂先生一定還醉臥在那裡。我且在湘君廟閒話片時。上午去罷。恐怕湘妃見了你。要問我討去養。不好却他。你權在這斑竹林歇了。待我別了湘君。招你同去罷。武先飛入竹林下介

生

不是我禰正平公心遠識。

誰肯與曹丞相辨冤反辟。

鷓內白

只許你罵揚子雲劇秦美新。

何不也去與王巨君稱功頌德。

汨羅江

生扮屈平上

一片騷魂寄楚辭。懷沙猶記獨醒時。

自從江上逢漁父。學得鮪糟與餒醢。我屈平學貫

天人。識通今古。當年志節。曾將日月爭光。後世才

名已共乾坤不朽。無奈時逢濁亂。主遇昏庸。上官

張儀。內外交訐。又致熊蹯於不熟。子蘭鄭袖。宮朝

諛諂。遂飾娥眉以善淫。竟致放逐江潭。行吟澤畔。

既深思而高舉。亦何去而何從。呵鬼神以問天。渺

詞家尚新
鮮諸俗此
以騷譜之
別是一絕

西神鄭

瑜著



茫。不。應。飛。魂。魄。之。徧。地。離。散。難。招。雖。不。值。治。安。之。
朝。作。騷。經。二。千。餘。言。當。賈。太。傅。長。太。息。痛。哭。流。涕。
奚。忍。見。滅。亾。之。禍。借。汨。羅。一。勺。之。水。代。信。陵。君。飲。
醇。酒。多。近。嬖。人。人。皆。謂。我。之。忠。忠。而。過。如。申。生。之。
孝。孝。而。過。臣。子。旣。爲。忠。孝。何。妨。于。過。人。又。謂。我。之。
騷。好。色。不。淫。近。于。風。怨。誹。不。亂。近。于。雅。楚。國。旣。無。
風。雅。豈。可。無。騷。有。同。心。人。世。間。烈。烈。轟。轟。猶。爲。我。
龍。舟。喧。競。渡。不。平。事。陰。司。裏。鶻。鶻。突。突。却。把。他。斬。
尚。作。伽。藍。不。敢。偷。以。全。軀。自。當。與。黃。鵠。比。翼。而。耻。

與。鷄。鶩。爭。食。豈。能。與。波。上。下。恒。自。惜。黃。鐘。毀。棄。而。
恨。他。瓦。釜。雷。鳴。自。從。與。漁。父。片。語。相。投。不。覺。我。震。
均。寸。心。如。失。清。斯。濯。纓。濁。斯。濯。足。原。沒。有。兩。個。滄。
浪。沐。必。彈。冠。浴。必。振。衣。反。嫌。他。十。分。皓。白。頓。覺。我。
顏。色。憔悴。形。容。枯。槁。何。異。于。世。俗。之。塵。埃。試。問。他。
寸。有。所。短。尺。有。所。長。皆。不。免。寰。區。之。玷。贅。况。劫。塵。
彈。指。歲。月。如。流。縱。當。日。君。明。臣。良。至。今。數。千。里。雲。
夢。瀟。湘。未。必。仍。屬。爽。鳩。之。樂。卽。在。我。諫。行。言。聽。到。
今。幾。千。年。芋。魁。屈。景。未。必。永。分。軫。蚓。之。躔。總。之。看。

不穿則一時之窮通得喪。恩怨炎涼。未免要一指。書空咄咄。叅得透。則萬古之治亂興亡。賢奸忠佞。都付與三聲大笑。呵呵。以此五蘊皆空。一絲不掛。呼牛則應牛。呼馬則應馬。嘻笑唾罵。皆是我一生受用之場。入獸不亂羣。入鳥不亂行。玉帝。畢田總。做得到處陪遊之客。如今修文水府。混跡波臣。逍遙於白蘋洲畔。紅蓼灘頭。果然是無復能拘礙。散步於柳毅祠邊。黃陵廟裏。方可稱真威。浪出遊。自與那漁父相知。畧同遊處。他每得魚。沽美酒。卽喚

我痛飲讀離騷。以笛聲爲號。我如今在江邊聽他消息也。下

未扮漁父上。瀟湘巫峽是吾居。志在江湖亦在漁。却劍已曾全伍相。垂竿今復友三閭。我楚江漁父是也。無家無族。何姓何名。駕一葉之扁舟。冷看白浪中。蝸角蠅頭。何曾見任公子。垂滄溟的五十轄。吹數聲之長笛。喚醒紅塵內鼠肝。垂臂教他看南華。生搏扶搖的九萬鯤。相識惟蘆中季子。澤畔忠臣。其餘都合着眼。怕見那些紛紛俗物。所友只江

上清風。山間明月。他可也舒着心。仗我做個小小。主人。千年無曆日。但遇掠波輕燕。遵渚賓鴻。畧知歲序。却又悟了春非我。春秋非我。秋萬里任遨遊。見那占浦眠鷗。分沙宿鷺。各守封疆。那裏知道天外。有天地中有地。若遇着微雲淡日。就放出桂棹。蘭漿。永不羨他。擠擠挨挨。龍舸鳳艦。偶逢着細雨斜風。便披起綠簑青笠。不去穿那怪怪異異。羔製羊裘。人都道我船頭無石尤。却不悟他世上多驚浪。持半竿之碧玉。不啻他廉如夷。貪如蹈吞。吾解

者。卽上吾釣。沉一線之水。綸任從他。翰之鱸。浩之。鱖。漑。吾鬻者。卽佐吾竿。正是烟銷日出。不見人。欸乃一聲。山水綠。自從與屈大夫相知。每舉網得魚。卽以笛聲招來同飲。如今不免約他去也。吹笛介。生。土魚知丙穴由來美。酒憶郢筒不用沽。那笛聲一定是漁翁了。待我去招呼他。漁翁我在此。末。快上船來。生。上船介。末。大夫魚已熟。酒已暖。我與你先飲。三大觥。飲介。生。漁翁我常聽你讀離騷。有些厭了。末。大夫你何不將你的騷經編一新曲。你唱。

我吹鐵笛合你何如。生如此甚妙，但我倒記得不熟。你念一段，我填一曲，何如？末：妙妙，填過一曲，卽飲三大觥，再填。念介。

帝高陽之苗裔兮，朕皇考曰伯庸。攝提貞于孟
 既兮，惟庚寅吾以降。叶紅皇覽揆余于初度兮，肇
 錫余以嘉名。叶民名余曰正則兮，字余曰靈均。紛
 吾既有此內美兮，又重之以修能。叶內扈江離與
 辟芷兮，紉秋蘭以為佩。汨余若將不及兮，恐年
 歲之不吾與。朝搴阝之木蘭兮，夕攬洲之宿莽。

叶木古反

日月忽其不淹兮，春與秋其代序。惟草木
 之零落兮，恐美人之遲暮。不撫壯而棄穢兮，何
 不改乎此度。乘騏驥以馳騁兮，來吾道夫先路。

生住了，太多，要分作兩調，唱末吹笛介。

新水令。帝高陽傳譜裔，承苗伯庸公。朕惟皇考，攝
 提貞首建，斗指孟既郊。庚旦寅朝，攬初度，錫嘉肇。
 駐馬聽正則，名高內美。江離香，擷草靈均為號。修
 能辟芷，佩垂腰。搴阝蘭宿莽，總蕭條。恐美人遲暮，
 悲零落。音潦嘆春秋淹忽，蚤撫壯年騏驥來先道。飲

酒介未念介

昔三后之純粹兮，固衆芳之所在。叶齊雜申椒與

菌桂兮，豈惟紉夫蕙蒞。叶齊彼堯舜之耿介兮，既

遵道而得路，何桀紂之昌披兮。夫惟捷徑以窘

步，惟黨人之媮樂兮。路幽昧以險隘，叶益豈余身

之憚殃兮，恐皇輿之敗績。忽奔走以先後兮，及

前王之踵武，荃不察余之中情兮。反信讒而齎

怒叶上聲

生住了罷唱末吹笛介

沉醉東風，昔三后固衆芳。菌桂即前代多純粹，申

椒欽堯與舜，勳華悼夏和商。傾撓去聲幾見踵前王。

皇輿遵道，一任猖披捷徑。路幽險隘，肯效那黨人

媮樂。音潦空奔走，反遇了信讒齎惱。飲酒介末念介

余因知謇謇之爲患兮，忍而不能舍。音恕也指九

天以爲正兮，夫惟靈修之故也。日黃昏以爲期

兮，羌中道而改路。初旣與余成言兮，後悔道而

有他。音拖余旣不難夫離別兮，傷靈修之數化。音吡

生住了罷唱末吹笛介

鴈兒落。我只道有成言，指九霄誰知他。信靈修乖

宿好錯認了黃昏可定期忽然的改路羌中道飲
酒介末念介

余既滋蘭之九畹兮又樹蕙之百畝音米畦留夷

與揭車兮雜杜蘅與芳芷音擠與枝葉之峻茂兮

願俟時乎吾將刈雖萎絕其亦何傷兮哀衆芳

之蕪穢音齋衆皆競進以貪婪兮憑不厭乎來索

音素羌內恕已以量人兮各興心而嫉妒忽馳驚

以追逐兮非余心之所急老冉冉其將至今恐

修名之不立朝飲木蘭之墜露兮夕餐秋菊之

落英音叶苟余情其信娉以練要音平兮長顧領亦

何傷音生住了罷唱末吹笛介

得勝令則音子見蘭蕙發瓊瑤蘅芷長音上柔條枝葉

萎蕪絕音謝貪婪嫉音齊妒驕馳超飲墜露餐英落音潦

名選余情娉信練要音平飲酒介末念介

率木根以結菹兮貫薜荔之落藥矯菌桂以紉

蕙兮索胡繩之纏纏蹇吾法夫前修兮非世俗

之所服音白雖不周于今之人兮願依彭咸之遺

則音生住了罷唱末吹笛介

喬木兒。擘木根。菌桂矯。貫薜荔。藥初落。音 寒前修。

可法。分假反 胡繩索。音 我則音 彭咸。一任他世俗嘲。

飲酒介 未念介

長太息以掩涕兮，哀民生之多艱。余雖好修姱，

以鞿羈兮，謇朝諝而夕替。天叶 既替余以蕙纒兮，

又申之以擘蒞，亦余心之所善兮，雖九死其猶

未悔。叶上聲 生住了罷。唱末吹笛介。

滴滴金。幾番太息。幾番掩涕。姱修空好。替夕。諝惟

朝蕙馥。先纒蒞。芬申擘。余心善。寶雖九。死何悔。何

逃。飲酒介 未念介

怨靈修之浩蕩兮，終不察夫民心。衆女嫉余之

娥眉兮，謔詠謂余以善淫。固時俗之工巧兮，偈

規矩而改錯。音 背繩墨以追曲兮，競周容以爲

度。忼鬱邑余侘傺兮，吾獨窮困乎此時也。寧溘

死以流亾兮，余不忍爲此態。叶 也。鸞鳥之不群

兮，自前世而固然。何方圓之能周兮，夫孰異道

而相安。叶 屈心而抑志兮，忍尤而攘詬。伏清白

以死直兮，固前聖之所厚。生住了罷。這一調長

再念幾句。未悔相道之不察兮。延佇乎吾將

返。回朕車以復路兮。及行迷之未遠。步余馬于

蘭皋兮。馳椒丘且焉止息。進不入以離尤兮。退

將復修吾初服。白叶製芰荷以為衣兮。集芙蓉以

為裳。不吾知其亦已兮。苟余情其信芳。生住了

罷唱未吹笛介

折桂令。則子音怨他靈修浩蕩。眾女嘵嘵。嫉娥眉混

詠。阻音貞淫競周容。倘矩工謠。因窮鬱悼。寧可溘流

亡。忍使鷺同群鳥。屈心志。方圓異道。伏清白。前聖

難遭。延佇蘭皋。迷復丘椒。初服荷紕。集製蓉綃。飲

酒介未念介

高余冠之岌岌兮。長余佩之陸離。芳與澤其雜

糝兮。惟昭質其猶未虧。欺叶忽反顧以遊日兮。將

往觀乎四荒。佩繽紛其繁飾兮。芳菲菲其彌章。

民生各有所樂兮。余獨好修以為常。雖體解吾

猶未變兮。豈余心之可懲。常叶生住了罷唱未吹

笛介

錦上花頭上的。岌岌其高冠天矯。身邊的陸音離

長佩飄搖。雜音續紛芳澤。上聲四荒質音昭雖體解

豈懲好修獨樂。音飲酒介末念介

女頽之嬋媛兮，申申其詈予。上聲日鯨婞直以亡

身兮，終然歿乎羽之野。叶女何博謔而好修兮，

紛獨有此姱節。叶蕢蕢施以盈室兮，判獨離而

不服。叶衆不可戶說兮，孰云察余之中情。世並

舉而好朋兮，夫何斃獨而不余聽。依前聖以節

中兮，喟憑心而歷茲。濟沅湘而南征兮，就重華

而陳詞。生在了罷。唱末吹笛介。

么女頽申詈余。日鯨直音終歿。忍改節音蕢蕢音慮

朋挑。喟憑心。熒獨音無聊。就沅湘。重華。陳詞。縹緲。

飲酒介末念介

啟九辨與九歌兮，夏康娛以自縱。不顧難以圖

後兮，五子用夫乎家巷。叶羿淫遊以佚畋兮，又

好射夫封狐。固亂流其鮮終兮，浞又貪夫厥家。

叶澆身被服疆圉兮，縱慾而不忍。日康娛而自

忘兮，厥首用夫顛隕。夏桀之常違兮，乃遂焉而

逢殃。后辛之菹醢兮，殷宗用之不長。生在了罷。

唱末吹笛介

步步嬌試聽那九辨九歌玄圭樂音效盤遊主肯顧

難圖紹五人侯洛音潦表况值音治羿射封狐亂流泥

造音澆首三隕桀渠也反殃巢又見他菹醢商辛暴飲

酒介末念介

馮禹儼而祇敬兮周論道而莫差音搓舉賢而授

兮循繩墨而不頗皇天無私阿兮覽民德焉

輔夫惟聖哲以茂行兮苟得用此下土瞻前

而顧後兮相觀民之計極夫孰非義而可用兮

孰非善而可服叶白咥余身而危死兮覽余初其

猶未悔叶上聲不量鑿而正柄兮固前修以菹醢

生住了罷唱末吹笛介

落梅風祇敬欽湯禹循繩周論道輔賢能茂行師

保相觀民柄兒須量鑿音造覽咥危初猶未懊飲酒

介末念介

曾歔歔余鬱邑兮哀朕時之不當擊茹蕙以掩

涕兮霑余襟之浪浪跪敷衽以陳詞兮耿吾旣

得此中正平聲駟玉虬以乘鸞兮溘埃風余上征

朝發軔于蒼梧兮，夕余至乎縣圃。去聲欲少留此

靈瑣兮，日忽忽其將莫。生住了罷唱未吹笛介

喬木香，忽歛歛悲悼。止不住，霑襟潦。駟虬鸞埃風

上征杳，軔車朝發蚤。巴得到玄圃蒼郊。飲酒介未

念介

吾令羲和弭節兮，望崦嵫而勿迫。路漫漫其修

遠兮，吾將上下而求索。色音飲余馬于咸池兮，總

余轡乎扶桑。折若木以拂日兮，聊逍遙以相羊。

前望舒使先驅兮，後飛廉使奔屬。叶鸞皇為余

先戒兮，雷師告余以未具。吾令鳳鳥飛騰兮，繼

之以日夜。颺風屯其相離兮，帥雲霓而來御。音

紛總總其離合兮，斑陸離其上下。叶吾令帝閭

開闔兮，倚閭闔而望予。上聲時曖曖而將罷如兮

結幽蘭而延佇，世溷濁而不分兮。好蔽美而嫉

妒，朝吾將濟于白水兮，登閬風而縹馬。叶木忽

反顧以流涕兮，哀高丘之無女。溘吾遊此春宮

兮，折瓊枝以繼佩。叶音及榮華之未落兮，相下

女之可詒。生住了罷末這一調為何這樣長何

不分了兩調。生這是分不得的。唱末吹笛介。

琴瑟留靈瑣。紅輪西掉。漫將弭節。姐囑音著羲輶。

望穿了那忒音大修遠的崦嵫。走徧了路漫漫的求

索音掃飲咸池。折音蕙若音惹木音母暫逍遙。忽地東閣音稿

望舒颺。更先戒鳳鸞。超聽廉奔雷。具看雲御風。颺

開帝閭。延佇倚闔闔音賀。駿騫又蚤到白水春宮華

未落音濼誰能分世間。渾音魂濁音造飲酒介末念介

吾令豐隆乘雲兮。求宓妃之所在。音薺解佩纒以

結言兮。吾令蹇修以為理。紛總總其離合兮。忽

綿繡其難遷。夕歸次于窮石兮。朝濯髮乎洧盤。

音叶保厥美以驕傲兮。日康娛以淫遊。雖信美而

無禮兮。來違棄而改求。覽相觀乎四極兮。周流

乎天。余乃下。音叶望瑤臺之偃蹇兮。見有娥之逸

女。生在了罷。唱末吹笛介。

清江引。遣豐隆試訪宓妃。撩解佩纒。綿繡難遷。造

歸。石濯髮洧盤中。善保全厥美。無驕傲。戒康淫。

且四極流觀。周天表。一時彙括不盡。留瑤臺二句

在後調填罷。飲酒介末念介。

吾令鳩爲媒兮，鳩告余以不好。雄鳩之鳴逝兮，余猶惡其佻巧。心猶豫而狐疑兮，欲自適而不可。鳳凰既受詒兮，恐高辛之先我。欲遠集而無所止兮，聊浮游以逍遙。及少康之末家兮，留有虞之二姚。生住了罷唱末吹笛介

慶宣門望瑤臺鳩媒毀娥好命雄鳩更佻巧謾狐疑怕高辛聘先到且浮游覓二姚。飲酒介末念介
理弱而媒拙兮，恐道言之不固。世混濁而嫉賢兮，好蔽美而稱惡。叶烏去聲
閨中旣以窳遠兮，哲王

又不寤。叶上聲懷朕情而不發兮，余焉能忍而與

此終古。索薶茅以筵筭兮，命靈氛爲余占之。曰兩美其必合兮，孰信修而慕之。生住了罷唱末

吹笛介

甜水令又恐怕理弱媒僻導言不固嫉賢稱惡。音與

終古索薶茅便命我靈氛爲我筵筭占我成交終

然的兩美難交。飲酒介末念介

思九州之博大兮，豈惟是其有女。如字曰勉遠逝

而無狐疑兮，孰求美而釋女。音汝何所獨無芳草

兮爾何懷乎故宇

叶去聲

世幽昧以眩曜兮孰云

察余之善惡

叶去聲

民好惡其不同兮惟此黨人

其獨異戶服艾以盈要兮謂幽蘭其不可佩

叶避

覽察草木其猶未得兮豈理美之能當蘇糞壤

以充幃兮謂申椒其不芳欲從靈氛之吉占兮

心猶豫而狐疑巫咸將夕降兮懷椒糈而要之

百神翳其備降兮九疑續其並迎

叶御

皇剡剡其

揚靈兮告余以吉故曰勉升降以上下兮求矩

矱之所同湯禹儼而求合兮摯臯陶而能調

叶提

中反

苟中情其好修兮又何必用夫行媒

叶迷

說操

築于傳岩兮武丁用而不疑呂望之鼓刀兮遭

周文而得舉甯戚之謳歌兮齊桓聞以該輔及

年歲之未晏兮時亦猶其未央恐鴉鳩之先鳴

兮使夫百草為之不芳

生

在了罷

唱

未吹笛介

桂仙子思九州何處無芳草空眩曜盈腰惟艾繞

川幽蘭蘇糞壤芬芳顛倒心猶豫糈申某

音椒

九疑

神向我靈告調摯臯求同矩矱舉傳呂操築鼓刀

歲未央只恐鴉鳩先叫

飲酒介

未念介

未念介

何瓊佩之偃蹇兮衆蔓然而蔽叶必之惟此黨人

之不光兮恐嫉妒而折之叶時繽紛其變易兮又

何可以淹留蘭芷變而不芳兮荃蕙化而為茅

叶示何昔日之芳草兮今直為此蕭艾也豈其有

他故兮莫好修之害也余以蘭為可恃兮羌無

實而容長委厥美而從俗兮苟得列乎衆芳椒

專佞以慢慝兮椒又欲克其佩帟既干進而務

入兮又何芳之能祇固時叶之從流兮又孰能

無變化叶覽椒蘭其若茲兮何況揭車與江蘼

叶羅生住了罷唱末吹笛介

喬木香珮淹留化茅蔓繽紛成葆厥美容長委慢

慝我想這檄充帟既傷幽抱不祇芳同時俗流飄

飲酒介末念介

惟茲佩之可貴兮委厥美而歷茲叶齋芳菲菲而

難窺兮芬至今猶未沫叶迷和調度以自娛兮聊

浮游而求女及余飾之方壯兮周流觀乎上下

叶五靈氛既告余以吉占兮歷吉日乎吾將行叶杭

折瓊枝以為羞兮精瓊糜以為粢為余駕飛龍

今乘瑤象以爲車，何離心之可同兮。吾將遠逝，以自疏。生在了罷唱末吹笛介

月上海棠揭車可貴，知聞早。况是江離訂久，要未沫苦難寬。聊浮游上下，瓊漿飽。駕龍車，離心悼。飲

酒介末念介

適吾道夫崑崙兮，路修遠以周流。揚雲霓之曉，藹今鳴玉鸞之啾啾。朝發軔于天津兮，夕余至乎西極。鳳皇翼其承旂兮，高翱翔之翼翼。忽吾行此流沙兮，遵赤水而容與。麾蛟龍使梁津兮，

詔西皇使涉予。

上聲

路修遠以多艱兮，騰衆車使

徑待。

叶提

路不周以左轉兮，指西海以爲期。屯余

車其千乘兮，齊玉軼而並馳。駕八龍之婉婉兮，

載雲旗之委蛇。抑志而弭節兮，神高馳之邈邈。

奏九歌而舞韶兮，聊假日以媮樂。生在了罷唱

末吹笛介

殿前歡適吾的道崑高。見揚那雲霓掩藹玉鸞翽。又蚤是發天津，忽西極流沙到。駕梁津，赤水麾蛟。免不得詔西皇騰衆早。路不周期海島齊千乘玉

軟馳高邈音載也。麼五色雲旗舞也。麼九奏簫韶

飲酒介末念介

陟陞皇之赫戲兮，忽臨睨夫舊鄉。僕夫悲余馬

懷兮，蜷局顧而不行。叶音亂曰：已矣哉！國無人

莫我知兮，又何懷乎！故都既莫足與為美政兮，

吾將從彭咸之所居。完了生唱末吹笛介

鴛鴦煞。陟陞皇，暇日聊偷樂。音睨舊鄉，蜷局傷懷

抱。余馬虺隤，僕夫悲情短亂收場。餘音嫋嫋已矣

無人徧楚國，知我少故都遠。美政杳惟彭咸所居

今從吾好完了，末飲酒罷。飲介末大夫這樣一套

長曲頃刻就填完了，豈非是个才子你做那離騷

有幾時成的。生我不論甚麼高文典冊，總則倚馬

萬言可待的。末暢快暢快，快快些連飲三大盃。飲介

生我那宋大夫慣做詞曲，上等的引商刻羽，中等

的陽春白雪，下等的下里巴人。他要做那雅俗共

賞的，我只做那中等的。這也美做郢中一雪了。漁

翁你可會彈弦索麼。末少年也曾彈，如今還溫得

出生。這北調須把弦索合他為妙。我少不得要到

湘君處。叫他把錦瑟。將我新詞彈一遍。看音調可
諸。就討張絃索來。你彈何如。末如此更妙。大夫再
痛飲幾盃盡興。生不吃了。歸去也。末大夫你今夜
不須歸。我也不泊艇近岸了。我與你相與枕簟乎
舟中。聽其所止而休焉。何如。

末 罷釣歸來不繫船。

生 江村月落正堪眠。

末 縱然一夜風吹去。

生 只在蘆花淺水邊。

集唐

